

# Turnernigth Ufhusen

## 12. Januar 2019

Äs isch so wit, es nöis Johr e nöi Fasnachtssaison.

Ersti Station uf üsem Programm isch wie letsch Johr d Turnernigth ds Ufhusen. Es isch richtig toll gsi i Ü-Rum ds cho und aui im nöie Kostüm ds gseh!! Chliin aber Wautmeischer unger däm Motto rocke mir das Johr d Fasnacht. Für mi isches nomou chli spezieller gsi aus für di meischte di nöie Kostüm ds gseh, da der Vorschlag vo mir cho isch. Mega cool was für Dekoidee aui umgesetzt hei☺

Ou di nöi schminki passen zum Kostüm u isch der hammer!! D Schminkkommission het sech richtig müei gä! Däm entsprächend bruchts aber o es par Arbeitsschritt meh bis mer fertig si, aber für das Ergäbniss isches das wärt.

Fertig gschminkt geits mitem Outo richtig Ufhusen. Ds Wätter meinds widermou nid so guet mit üs. Es isch nass und windig aber mir si jo mehrheitlech dinne drum egau. Nach der Akunft und em Uslade isch afe nochli warte ufem Programm gstange, ds Möneli und d Lies si i dere Zit go üsi Ufdrittszit lösle. Super 22.30 mir si mou nid di letschte. Das fot doch schomou guet a☺ Bis mer mitem Monsterkonsärt vorem Kafizäut afe di erste Lieder hei chönne zum beste gä, isches nüm lang gange und vo dert us hets när scho Znacht gä.

Zyt isch mit Gugge lose und feschte schnäu verbi gsi und scho isch der erst Uftritt agstange. Mir hei zwar o scho besser gspiut aber füre erst Uftritt isches ok gsi. Instrument verlade und när heimer Zyt no säuber gnosse. Da jo meh oder weniger aui mitem eigete Outo si dert gsi, isch füre eint oder anderer vo üs e chürzerer oder lengerer Nacht worde. So oder so üsi Fasnacht isch gstartet und mir fröie üs uf aui witere Uftritte i däm Johr.

